

جَزَائِرَ حَاكِمَتُ

جمعه ایرتسی

نومرو	رمضان	سنه	كانون ثانى	سنه	صحيفه
۹۱۲	۴	۱۳۱۴	۲۵	۱۳۱۲	۱۲۹۰۹

(اشبو غزته بهر هفته جمعه ایرتسی کونلری چیقار . سنه لکی درسعادت ایچون مجیدیه یکریمی فروش)
 (حسابیه التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکریمی فروش اولق اوزره یوزباره به هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظارتی)
 (دأره سنده کأن جریده محاکم اداره سنه مراجعت ایلیلدر)

قسم غیر رسمی

کمرکنک اوچ ماه الفامسی ودول معاونه عساکری
 ایچون اصرار اولنان اوزاقک رسم کمرکنه مقابل
 دخی سند اخذیله بونلرک بدل التزامه محسوبی
 حقنده جانب دولتدن وقوعبولان امره امتثالاً
 ملتزم ومتعهد طرفندن النان سنداتک ایراد
 ومصرفی طیبی ایکن مالیه خزینه سنک مؤخرأ
 قبول ایتمامسندن طولانی حدوث ایدن اختلاف
 اوزرینه مناصفه صورتیله صلحاً تسویه سی باراده
 سنیه امروفرمان بیورلمش واولوجهله محسوبنک
 اجرا قلنمش اولدینی فی ۲۷ مایس سنه ۸۴

محکمه استیناف حقوق قسمندن ۹ مایس
 سنه ۳۱۱ تاریخی وقرق درت عددی ایله ویریلان
 اعلامک مابعدی
 سکسان سکیز غروشی ذخیره کرکی ایام متأخره
 سندن ایسه ده انحق التزامات مذکوره اشناسنده
 ظهوره کلان مسئله مندفعهده عموم ذخیره رسم

و ۱۶ تموز سنه ۸۴ تاريخي خزينه جليله نك يوز
ايكي قطعه قيد علم وخبري صورتيله ثابت اولوب
گذشته ارامغه صلاحيتي كوريله مديكنه وبونك
قصوري اولسي لازم كلان يوز سكسان دوت
بيك ايكيوز اللى دوت غروشي دخي متوفاي
مومي اليهك تين ايدوب خزينه جه محسوب اجرا
قلنان مطلوباتنك تاريخ مؤخر ايله محسوب
ايدلسندن نشئت ايلديكي وازجمله تقاسيطي حلول
ايدن دينلرينه محسوب ايدلك اوزره بتمش ايكي
سنه سي حزينانده تاديه ايتدكلى يدي يوك
اللى بيك غروش قدر بر مبالغه ۱۳ تشرين ثاني
سنه ۷۳ تاريخنده قره سي سنجاني اعشارندن
اولان دينلرينه محسوب ايدلمش وبو معامله
محسوبه ايسه بر بيق سنه صكره اجرا قلنمش
اولديني حالده بومدت طرفنده جانب خزينه دن
ارانيلان مبالغه گذشته يوريدلديكي اكلاشمقده
اولديني جهته بوجهندن دخي خزينه نك برشي
ارامغه صلاحيتي كوريله مديكنه وتمسكات رديه سي
ناميله نقد وقائم اوله رق اوانيلان طقسان اللى
بيك طقوز يوز اون ايكي غروش حقنده قوانين
موضوعه خزينه جليله ايله ملتزم ومتعهدلر
بيتنده تنظيم وتعايطي قلنان هر نوع تعهد والتزام
سنداتنك جهت ردنده بويله برنام ايله رسم النسي

حقنده بر كونه صراحت وماده نظاميه اولمديغندن
بوجهندن دخي خزينه مشاراليها وكيانك بر كونه
طلب وادعايه صلاحيت قانونيه سي بولمديغنه بناء
جمله ادعا ومدافعاتنك رديله نظارت مشاراليهانك
مدعاي مشروحه سنه ابتداء مستدعي مومي اليهما
يواناكي وبدوساكي افنديلره مورثلري متوفى
يوركي افنديدن منتقل كافة املاكى اوزرينه وضع
ايدلمش اولان جزك فك ورفعه وبو بابده كي
مداخلاتك دخي منعه ومستدعي مومي اليهمانك
خزينه مشار اليهادر ارامقده اولدقلى سالف
الذكر مطلوبات حقنده كي دعوالرينك دخي
ايروجه رؤيته دائر محكمه مذ كورهدن ويريلان
اعلامك عندالاستيناف تصديقه حكمدن ومستدعي
تميز ماليه خزينه جليله سي وكلى عمر اشرف
افنديك اشبو حكم عليهنده لايحه سنده محرر
اعتراضاتنك خلاصه سي بدايت محكمه سنه ابراز
اولنان مضبطه وبورلدي سامى وسائر دركنار
لرك مندرجاتندن اكلاشيله جنى اوزره مسئله
مندفعهده عساكر معاونه همچون اصرار اولنان
مسكرات رسومه مقابل اخذ اولنان سندتات
بعالتدقيق قبوليله بدل التزامدن محسوبنك
اجراسنه اراده سنه شرفصادر اولمش وحالبوكه
سندتات مأخوذه تدقيق اولمديني كبي الده دخي

اولمامسي وبونك بلاتدقيق قبولي ايسه اراده سنه
جناب يادشاهي به منافي اولديني حالده بلاتدقيق
قبول ومحسوبنك اجرا قلنمش اولسي ومستند
حكم اولان ملغا ديوان محاكات مضبطه سي
برهيتت حاكمه طرفندن حكم مضبطه سي صورتيله
تنظيم واعطا اولمديوب برهيتت حسابيه جانندن
رأيه تمليقاً تنظيم اولمش اولسي جهته بر كونه
حكم وتأثيري اولمديني حالده بونك دخي قبول
ايديله دك كيفيتك رؤيت حساب ضمتنده بيزلره
حواله ايدلماش وكذشته لازم كليه چكنه قرار
ويرلمش ايسهده بونك نه ايله موقع ثبوت ايصال
ايدلمش اولديفنيك تصريح وتوضيح ايدلماش
اولمسيه عندالاستيناف بورالرينك نظر اعتباره
التمسزين مغاير اصول اولان بدايت محكمه سي
اعلامك تصديقه قرار ويرلمش يولسز ومنافي
قانون اولديغندن بجهته اعلامك نقض استدعاسندن
ومدعي عليهمانك بوكا قارشو نتيجه اجوبه لري
ايسه اعتراضات مسروده نك واهي وبى اساس
اولديني بيانيله ردى وموافق اصول وقانون
اولان اعلامك تصديقي طلبندن ومعاون مومي
اليهك مطالعه سي ايسه اعلام ابتدائي عليهنده
عندالاستيناف سرد اولنان اعتراضات مياننده ملغا
ديوان محاكات مضبطه نك حكمي حاوي اولمديوب

انجق حساب خلاصه سندن عبارت وقبولي رأيه
محول اولديني بيان ايدلمش ديوان مذ كور
مضابطنك حكمي حاوي اولوب اولمديني بالتحقيق
حل مسئله لازمه دن بولمش ايكن ديوان مذ كورك
برهيتت رسميه اولديغندن بجهته اعتراض مذ كور
بلاتدقيق اولمش وحكم ابتدائينك بر ماده
قانونيه سي مستند اولمديغنه دائر درميان اولنان
ديكر اعتراض حكم مذ كورك اسباب قانونيه سي
محتوي اولسي عبارده سيله رد اولمش ايسهده
اسباب قانونيه هر حالده ماده قانونيه وجودي
ايله قائم اوله جنى نظر اعتباره التماس وسندات
رديه سي حقنده قوانين موجودهده صراحت يوق
ايسهده اولبابده تعامل قديم اولديني ادعا اولمقده
اولديني حالده اشبو جهته دخي بلاتدقيق مسكوت
عنه براقلمش اولمسنه مبنى اعتراضات واقعه نك
موافق قانون اولديني بيانندن عبارت بولمشدر .

ايجابي مذا كره اولندقده اعلام مذ كورك
نتيجه مالى مومي اليهما يواناكي وبدوساكي
افنديلره پدرلري متوفى يوركي افنديدن انتقال
ايدن املاكلى اوزرينه ماليه خزينه سي طرفندن
الاجق مقابلنده جزو وضع ايدلمش ايسهده متوفاي
مومي اليه يوركي افندي حال حياتنده مدعايه اولان

مبالغك كافه سنى بر صورتله تسويه وتاديه ايلمش
اولدېنى اولبابده ملغا ديوان محاكات مضبطه سيله
اوراق سائر مندرجاتيله ثابت اولديغندن اولبابدهكى
موضوع مجزك فكيكه خزينه وكيلك اداسنك
ردينه ومومى اليهما يواناكي وبدوساكي افنديلرك
خزينه جليله دن ارامقده اولدقلى مطالبات
اداسنك ابروجه رؤيته دائر در سعادت بدايت
محكمه سى برنجى حقوق دائره سندن وريلان
اعلامك عند الاستيناف تصديقه حكمدن عبارت
اولسنة نظراً حكم واقع اسباب موجب به مستند
واصول وقانونه موافق بولنديغنه ومستدعى
خزينة مشار اليها وكيلك تميز آسرد ايلديكى بالاده
محرر اعتراضاتيله اعتراضات سائر سى بالتدقيق
نقض حكمتى موجب كوريله مديكنه بناء رديله
اعلام مذ كورك تصديقه وزيرده مفرداتى مرقم
يوز يتمش سكتز بيقى غروش مصارف تميزيه نك
مستدعى خزينة مشار اليها رجوع ايتك
اوزره اول امرده مدعى عليهما دن النسخه
۲۱ تشرين ثانى سنه ۳۱۱ تاريخنده متفقاً قرار
ويريله رك تفهيم قلندى .

سلانيك ولايتى استيناف محكمه سندن
۵ ايلول سنه ۳۰۴ تاريخى واونوز بدى عددى ايله
ويريلان اعلامك تميزينى استدعا ايدن قره فريه
قصبه سنك خرمن محله سنده ساكن بوغاي عثمان
اغا ايله مدعى عليهما محله مذ كورده مقيم عايشه
وينه خاتونلر يوم معينده دائره به كمدكلرندن اصول
محكمة حقوقيه قانوننك ايكيوز يكرمى طقوزنجى
ماده سى موجبجه تدقيقات تميزيه اجراسنة
ابتدار اولندى .

اعلام مذ كورك خلاصه مالى مزبور تان
عايشه وينه خاتونلره والدهلرى متوفاه ظريفندن
ارثاً انتقال ابدوب مرقوم عثمان ايله مشتركا
متصرفه اولدقلى معلوم الحدود رباب خانه لرينك
تفريق ونقسيمنه دائر قره فريه قضاسى بدايت
محكمه سندن وريلان اعلام عليهنده مرقوم
عثمان اغا طرفندن اقامه اولنان استيناف دعواسى
اوزرينه جريان ايدن محاكات وتدقيقات نتيجه سنده
مدعايه اولان خانه نك قيمتى ايكي بيك غروش
راده سنده اولوب اصول محكمة حقوقيه قانوننك
يوز يتمش برنجى ماده سى موجبجه دعواى
واقعه نك قابل استيناف كوريله مامسى حسيله
اولبابده كى استيناف استدعاسنك ردينه حكمدن

ومستدعى تميز عثمان اغانك اشبو حكم عليهنده
لايحه سنده محرر اعتراضاتنك خلاصه سى منازع
فيه خانه ي متوفاه والده سى ظريفه خاتوندى ايكي
بيك غروشه مبايه ايدرك اوزرينه برطاقم انيه
دخى علاوه ايدوب اتى بيك غروشدن فضله
برقيمت پيدا ايلديكى جهته استيناف محكمه سنجه
بوراسنك نظر اعتباره المنقسمين دعواى واقعه نك
تقدير قيمت وقوعه ولقمسين قابل استيناف
اولديغنه قرار ويرلسى يولسز ومساير قانون
اولديغندن بجنه اعلامك نقضى ومدعى عليهما
عايشه وينه خاتونلرك لايحه لرنده مندرج نتيجه
جوابلرى ايسه اعتراضات مسروده نك واهى
وبى اساس اولدېنى بيانيله ردى وموافق اصول
وقانون اولان اعلامك تصديقى طلبندن عبارت
بولمشدره .

الحجابى لدى المذاكره اعلام مذ كور
مطالعه سندن منقهم اولدېنى اوزره مدعايه اولان
خانه ي مرقوم عثمان اغا ايكي بيك غروشه مبايه
ايلديكى عندالحا كه درميان ايتى اوزرينه
اولبابده كى استيناف استدعاسنك ردينه قرار
ويرلس ايسه ده اصول محكمة حقوقيه قانوننك
يوز يتمش بشنجى ماده سنده محرر اولدېنى اوزره

بومقوله احد طرفيندن تقدير قيمت ايلماش
دعوالر قابل استيناف بولمش ايكن محكمه
مذ كورده جه بوراسنك نظر اعتباره المنقسمين رد
استدعايه قرار ويرلسى يولسز ومساير قانون
اولديغنه ومستدعينك دخى اعتراضى بوجهته
متدائر اوله رق شايد قبول بولنديغنه بناء اصول
محكمة حقوقيه قانوننك ايكيوز اوتوز ايكنجى
ماده سى موجبجه اعلام مذ كورك نقضيله قانون
مذ كورك ايكيوز قرق در دنجى ماده سى حكمته
توقيفاً كيفيتك استينافاً بالرؤيه اعلامه ربطى
ضمننده محكمه مذ كورده اعاده سنة وزيرده
مفرداتى مرقم بشيوز يكرمى اوچ بيقى غروش
مصارف تميزيه نك ايلروده حقسز چيقه جق طرفه
رجوع ايتك اوزره اول امرده مستدعى عثمان اغاندى
النسخه ۲۸ نيسان سنه ۳۰۸ تاريخنده متفقاً قرار
ويرلدى .

عینتاب بدایت محکمه سندن ۲۱ کانون ثانی
سنه ۳۰۸ تاریخی واونیدی عددی ایله ویریلان
اعلامک تمیزی زراعت بانک سنک حلب شعبه سی
مأموری طرفندن استدا اولمش و بوم معینه
زراعت بانک سی وکیلی اوخانس افندی کلش ایسه ده
مدعی علیها عینتابک شیخ سلیمان محله سنده ساکنه
متوفی قناچی اوغلی مصطفی ورثه سندن زوجه سی
منوره خاتون گلدیکندن باش مدعی عمومی
معاونلرندن عزتو رجائی بکک مطالعه سی
بعد الاستماع تدقیقات تمیزیه اجرا سنده ابصار
اولندی .

اعلام مذکورک خلاصه مالی مزبوره نک
زوجی متوفی مصطفی و برادری محمد اغارک ملقا
منافع صندوقندن استقراض ایتمش اولدقلری
ایکیوز یکریمی عدد یوزک قائمه نک بهر دوت
بجقی بر لیرا حسابیله بالغ اولدینی دوت بیک قرق
اللی غروشک تاریخ سندن اعتباراً متراکم بش
بیک اوتوز غروش اوتوز یاره گذشته سیله برابر
متوفای مرقوم مصطفی اغانک ترکه سندن تحصیلنه
دائر صادر اولان اعلام غیابی علیه ده متوفی
مصطفی اغانک ورثه سندن زوجه سی مزبوره
منوره خاتون طرفندن اعتراض علی الحکم

استدعای اعطا و عندالحاکمه مبلغ مدعی بجی
مورثی مصطفی و برادری محمد اغار ختام وعده ده
مع گذشته منافع صندوقندن ایضا و تسلیم ایتک
ایسته مشر ایسه ده صندوق مأمورلری قبولدن
امتناع ایلمش اولدقلرندن کیفیتی بالاستدعا قائمه مقاملغه
بیلدیرمش اولدقلری جهته مجلس اداره محلیه جه
بالمذا کره مبلغ مذکورک قائمه ایچه اوله رق
ذمترنده قالمسینه و گذشته یورودلما سینه دائر
عریخالری ظهرینه درکنار تحریر ووقیله
پروتستو معامله سی دخی اجرا قلنمش اولدیفندن
بخله حکم غیابینک فسخی ادعا و مذکور درکنارلی
عریخال ایله پروتستو ورقه سی ابراز واعطا
قلنمی اوزرینه اجرا قلنسان محاکمه وجاهیه
نتیجه سنده مدیونلرک انقضای وعده ده تعهدلرینک
عدم اجرایی کندولرینه عزو اولغیان برسیدن
ایلروکلدیکی اکلاشلمش اولدیفندن اصول
محاکمه حقوقیه قانوننک بوز سکسان سکزنجی
ماده سی موجبجه اعلام غیابینک گذشته جهتنک
فسخیه اصل دین سندینک حاوی اولدینی ایکیوز
اون ایکی عدد یوزک قائمه ایچه نک مدانیات
قرار نامه سی موجبجه دوت بجقی بر لیرای عثمانی
اعتباریله بالحساب بالغ اولدینی قرق دوت عدد
عثمانی لیراسیله قرق اللی غروشک حین تأدییه سته

قدر ایشلیه جک فائض نظامیسیله برابر مدیون
متوفی مصطفی اغانک ترکه سندن استیفاسنه حکمدن
واشبو حکم علیه ده مستدعی تمیزی زراعت
بانقه سی وکیلنک باشلوجه اعتراضی دعوی واقعه
منافع عمومییه عائد مؤسسات رسمییه دن محدود
اولان زراعت بانک اداره سینه متعلق بولنسنه مبنی
اثنای محاکمه سنده مدعی عمومینک مطالعه سنک
استماعی تشکیلات محاکم قانوننک ایتمش بشنجی
ماده سی احکامندن بولنش ایکن محکمه مذکورجه
مدعی عمومی استماع اولنقسزین اجرای محاکمه
واعطای حکم اولنمی قانونه مغایر بولندفندن
بخله اعلامک نقضی استدعاسندن و تمیزی علیها
منوره خاتونک لایحه سنده محرر نتیجه جوابی دخی
حکم اعلامک اصول و قانونه موافق اولدینی بیانیله
تصدیق طلبندن و معاون مومی الیهک مطالعه سی
دخی واقعت و قبله تسویه سی ضمننده مراجعت
اولنش و فقط بانک مأمورلرینک مأموریتندن
استعفا ایتمش اولملری حسیله قبض و تسلیمی ممکن
اولدینی متین بولنش اولسنه مبنی اعتراضات
واقعه نک موافق قانون کوریه مدیکی بیانندن
عبارت بولنشد .

ایجابی مذاکره اولندقدده اعلام مذکور

مألفندن اکلاشلدینی اوزره دعوی واقعه
منافع عمومییه ایچون تشکیلات برادری رسمیه ایله
شخص بیننده تکیون ایتمش اولسنه کوره دعوی
مذکورنک اثنای محاکمه سنده مدعی عمومینک
حضوریله مطالعه سنک استماعی لازمیدن بولنش
اولدینی حالد مأمور مومی الیه حاضر بولندیر
لنقسزین رؤیت دعوی و حکم اولنمی بولنسر
واصول و قانونه مغایر و مستدعی تمیزی اعتراضی
دخی بوجهته متدائر اوله رق موافق نفس الامر
بولنش اولدیفندن اصول محاکمه حقوقیه قانوننک
ایکیوز اوتوز ایکنجی ماده سی موجبجه اعلام
مذکورک نقضیه قانون مذکورک ایکیوز قرق
دردنجی ماده سی حکمنه توفیقاً کیفینک قانون
دائرة سنده یکیدن بالرؤیه اعلامه ربطی ضمننده
محکمه مذکوریه اعاده سینه وزیرده مفرداتی
مرقم اوچوز الی طقوز بجق غروش مصارف
محاکمه نک ایلروده حقنر چیه جق طرفه رجوع
ایتک اوزره اول امرده زراعت بانک سندن
اخذینه ۹ تشرین ثانی سنه ۳۱۱ تاریخنده متفقاً
قرار ویریه رک تفهیم قلندی .

ماردین بدایت محکمه سندن ه تشرین اول
سنه ۳۱۰ تاریخی و قرق الی عددی ایله صادر
اولان اعلامک تمیزینی استعدا ایدن ماردین
قصبه سنک مدرسه محله سنده مقیم داود اغا وکیل
الیاس رسام افندی یوم معینده دائرہ کلوب
مدعی علیه مالیه خزینہ جلیله سی طرفندن بروکیل
کوندولمیکسندن یالکز وکیل مومی الیهک
ایضاحات شفاهیہ سبله باش مدعی عمومی معاونلرندن
براهیم بکک مطالعہ سی استماع قلندقدن صکره
بدقیقات تمیزیه اجراسنه ابتدار اولندی .

اعلام مذکورک خلاصہ مالی حکومت
محلیه وکیل معروف افندی ماردین قصبه سنک
اوجیوز اون سنه سی ذبحیه رسمی ملتری مرقوم
داود اغا ذمتنده خزینہ جلیله نک ازغیر تسلیم
الاجنی اولان بیک یدییوز اوتوز الی غروشک
مع فائض تحصیلاتی طلب ودعوی ایتسنه قارشو
عندالحاکم مرقوم داود اغا دخی قیون باشندن
التمش و اوغلاق ایله قوزی باشندن اوتوزر پاره
رسم المی شرطیله ماردین ذبحیه رسومی الی بش
بیک یدییوز غروش بدل ایله برسنه لکنی
بامقاوله نامه در عهده ایتش ایکن اخیراً قیون

باشندن قرق وقوزی وکی باشندن یکر میشر پاره
التمسی ایچون ورود ایدن امر اوزرینہ مقاوله
مذکورہ حکومتجه فسخ ایدیلرک آخرینہ احاله
ایدلیکنی و بناءً علیه کندوسنک برکونه بورجی
اولدینی مدافعة درمیان ایلوسی اوزرینہ اجرا
قلنان محاکمه وتدقیقات نتیجه سنده مرقوم داود
اغا مقاوله واقعه نک فسخ اولدینی صرہ ده
رضا کوسترمیه رک اخذی منع اولنان و سومک
بدل التزامدن تنزیلی پروتستوا عطاسیله طلب ایتسی
لازم کلورایکن وقیله حکومت علیه نه بویولده پروتستو
ویرمیه رک فسختی طلب ایتدیکنه و رسوم مذکورہ یی
اداره ایتدیکی مدته مزاد قائمه سنده مندرج
شرط موجبجه حیایت ایلدیکی تحت اقرارنده
بولسنه وعقد بیعک مقتضا سندن اولان شرط
ایله بیع صحیح و شرط معتبر اوله جفته بناءً مدعا به
بیک یدییوز اوتوز الی غروشک مجله نک درتیوز
یتش دردنجی و درتیوز یتش طقوزنجی ماده لری
احکامنه توفیقاً مرور ایدن فائض نظامیسی
واجرای موقله مرقوم داود اغادن بالتحصیل
خزینہ جلیله به اعطاسنه حکمدن و مستدعی تمیز
وکیلنک اشبو اعلام علیه نه لایحه سنده محرر
باشلوجه اعتراضی منازع قیه رسومک سنه نک

ابتداسندن درت ماه مرور ایتش واکال تعهده
سکنز ماه قالمش ایکن تعهد شروطنه باقلمقسزین
تعهد سندی اسانندن فسخ ویکیدن موقع مزایده به
قوتیلولوب دیگر ملتزمه احاله سی یولسز اولدینی
حالده محکمه مذکورہ جه بوراسنک نظر دقته
التماسی مغایر قانون اولدینندن بحثله اعلامک
نقضی استدعاسندن و مدعی علیه اولان خزینہ
جلیله به اضافتله محل خزینہ وکیلنک ویرمش
اولدینی لایحه جوابیه نک مالی اعتراضات واقعه نک
واهی اولدینی بیانیه ردی و موافق قانون اولان
اعلامک تصدیق طلبندن و معاون مومی الیهک
مطالعہ سی دخی مبلغ محکوم به مستدعی مرقومک
بامقاوله نامه متعهدی بولندینی ماردین ذبحیه
رسومنک فسختی تاریخنه قدر تحت التزامنده گذران
ایدن مدتک صوک ماهنه متصادف اولان تقسیط
بدلی اوله رق ذمتنده مرتب دین اولسنه نظراً
حکم واقع موافق قانون اولدینی بیانندن عبارت
بولنمشدر .

ایجابی مذاکره اولندوقده اعلام مذکور
مندرجاتندن مفهم اولدینی اوزره دعوای
واقعه حقننده مجله نک درتیوز یتش دردنجی
و درتیوز یتش طقوزنجی ماده لرینہ توفیقاً حکم

اولنش ایسه ده حکم مذکور رسوم و التزام
حقننده موضوع اولان قوانین و نظامات سنییه
توفیق اولنق لازم کلورایکن بوبابده مابه التطبيق
اولیان مواد مجله به توفیقاً حکم اولتمسی مغایر
قانون اولدیننه و معاون مومی الیهک مطالعہ سی
موافق نفس الامر کوریله مدیکنه بناءً اصول
محاکمه حقوقیه قانوننک ایکوز قرق برنجی
و ایکوز اوتوز بشنجی ماده لری موجبجه اعلام
مذکورک نقضه و قانون مزبورک ایکوز قرق
دردنجی ماده سی حکمنه توفیقاً کیفیتک یکیدن
بالرؤیه اعلامه ربطی ضمتنده محکمه مذکورہ
اعاده سنه وزیرده مفرداتی مرقم درتیوز اون
درت یحق غروش مصارف تمیزیه نک ایلروده
حقسز چیه جق طرفه رجوع ایتک اوزره اول
امرده مستدعی تمیز وکیلندن استیفا سنه
۱۴ کانون اول سنه ۳۱۱ تاریخنده متفقاً قرار
ویریلرک وکیل مومی الیهه تفهیم قلندی .

پلنگه بدایت محکمه سندن ۱۴ حزیران
سنه ۳۰۵ تاریخی و سکنز عددی ایله ویریلان
اعلامک تمیزینی استعدا ایدن پلنگه قضااسنک
اوطوشینجه قریه سنده مقیم رستو ولد ازلاطن
ایله مدعی علیهما قضاء مذکورک پترالیچ قریه سنده
ساکن ایلیا ولد مهائل ویا کیم ولد ایلیا یوم
معینده دائره به کلدکری کبی جواب لایحه سی
کوندرمامش اولدقلرندن اصول محاکمه حقوقیه
قانوننک ایکوز یکریمی طقوزنجی ماده سی
موجبجه تدقیقات تمیزیه اجراسنه ابتدار
اولندی .

اعلام مذکورک خلاصه مالی مرقومان
ایلیا ویا کیمک مزبور رستویه بهر چفتی سکسان
سکنز غروش اونپاره بدل مقابلنده صامش
اولدقلری قوج بهاسندن غیراز استیفا الاجقلری
اولان اون عدد لیرای عتاینک تحصیلی طلب
ودعوی ایتملرینه قارشو عندالحاکمه مزبور رستو
دخی ادعای واقعی کلیاً انکار ایللمسی اوزرینه
جریان ایدن محاکمه و تدقیقات نتیجه سنده مبلغ
مذکورک مزبور رستونک دینی اولدینی استماع
قلنان شهودک شهادت واقعه لرله تبیین ایلدیکنه بناء
مجله نك بیک سکنز یوز اون سکنزنجی ماده سی

حکمنه توفیقاً مدطابه اولان مذکور اون لیرانک
مزبور رستودن تحصیلنه حکمدن و مستدعی
تمیز رستونک اشبو حکم علیهنده کی اعتراضاتک
خلاصه سی دعوی واقعه امور تجاریه دن متولد
بولندی فی حالده حقوق محکمه سنججه رؤیت اولنمی
واقعه ایدیلان شهودک دعوی واقعه ده منفعلری
اولوب اولدیغنک سؤال و تحقیق اولنامسی واستماع
اولنان شاهد لر جانبدن عدم معلومات بیان
ایدلش ایکن شهادت لرینک قبول اولنمی مغایر
قانون اولدیغندن بجنله اعلام مذکورک قضی
استداسندن عبارت بولنمشدر .

ایجابی مذاکره اولندقدده اعلام مذکور
مطالعه سندن اکلاشلدینی اوزره مبلغ مدعایک
مزبور رستونک دینی اولدینی اقامه اولنان شهودک
شهادت واقعه لرله تحقق ایتمسینه بناء تحصیلنه
حکم اولنمش ایسه ده اولبا بده استماع اولنان شهودک
ادای شهادت لرینک نه بولده اولدینی بیلنمک اوزره
عیناً اعلامه درج اولنمق لازم کلور ایکن صرف
نظر اولنمی وقرار محلنده شهودک ترکیه
اولندقلری ذکر اولنمش ایسه ده نه صورتله ترکیه
ایدلکلرینک ذکر وتصریح اولنامسی مغایر
قانون اولدیغنه بناء اصول محاکمه حقوقیه

قانوننک ایکوز قرق برنجی ماده سی موجبجه
اعلام مذکورک تقضیه قانون مذکورک ایکوز
قرق دردنجی ماده سی حکمنه توفیقاً کیفیتک صور
مشروحه دائره سنده بالرؤیه اعلامه ربطی ضمننده
محکمه مذکوریه اعاده سنه وزیرده مفرداتی
مرقم درتیوز طقسان سکنز یچق غروش
مصارف محاکمه نك ایلروده حقسنز چقه حق
طرفه رجوع ایتمک اوزره اول امرده مستدعیدن
النسنه ۳۰۷ کانون اول سنه ۳۰۷ تاریخنده متفقاً قرار
ویرلدی .

اعلام مذکورک خلاصه مالی مرقومون
عمر اغا و طوطی وامیره خانلره پدرلری متوفی
رمضان پهلواندن انتقال ایدوب مذکور سلبانه
قریه سی حدودی داخلنده کائن متصرف اولدقلری
معلوم الحدود یدی دونم ترلارینه حسین اونباشی
وحسن و عثمان اغا لر طرفندن وقوع بولان مداخله نك
منفی محکمه مذکوریه مراجعتله طلب ودعوی
ایتملرینه قارشو مدعی علیهم حسین اونباشی
ورفقلری دخی متوفای مرقوم رمضان پهلوان
اراضی منازع فیهایی حال حیاتنده اراضی
سائر سیله برلکده دینه مقابل وفاء فراغ ایدرک
ادای دین ایدمه مامسندن طولانی بالمزایده قواله لی
رفعت افندی به تفویض وبعده کندیلری دخی
مشتری مرقومدن بدل معلوم مقابلنده تفرغ
ایتمش اولدقلرینی مدافعه بیان وانبای ایلملری
اوزرینه اولابردرجهیه قدر وجاهاً و اخیراً غیاباً
اجرا قلنان محاکمات وکشف و تدقیقات نتیجه سنده
متوفای مرقوم رمضان پهلوانک وفاء فارغ

قواله بدایت محکمه سندن فی ۳۰ مایس
سنه ۳۱۰ تاریخی واون عددی ایله صادر اولان
اعلامک تمیزینی استعدا ایدن قواله قضااسنک
سلبانه قریه سنده ساکن حاجی عمر اوغلی حسین
اونباشی وحسن و عثمان اغا لر ابله مدعی علیهمدن
قریه مذکورده ده مقیم متوفی رمضان پهلوان
کریملری طوطی وامیره خانلریوم معینده کلامشار

اولوب عند المزایده رفعت افندی به فراغ
اولنان درت قطعه معلوم المقدار اراضی میانه
بولنان قباچه اوه موقعنده کی الی دونم اراضی
مقامه اراضی منازع فیها نك سهواً فراغ اولندی
اولبابده کی وکالت دوریه جتیه رهن شهادتنامه سی
وسندی وکشفنامه مندرجاتی و اخبارات ایله تبیین
و تحقیق ایتمه بناءً فراغ واقعك فسجیه مدعی
علیهك منع مداخله لرینه دائر محکمه مزبوره دن
ویریلان اعلام غیابی علیهنده مرقومون حسین
ورفاقای جانبندن اعطا قلنان اعتراض علی الحکم
استدعای اوزرینه تعیین قلنان یوم محاکمه ده
معرضون مرقومونك عدم اجابت لرینه مبنی اصول
محاکمه حقوقیه قانوننك یوز الی طقوزنجی
ماده سی موجبجه اعتراض استدعاسنك ردیه
اعلام غیابینك تصدیقه حکمدن و مستدعی تمیز
حسین و حسن و عثمان اغارلک اشبو حکم علیهنده کی
اعتراض لرینك باشلوجه سی اراضی منازع فیهای
متوفای مرقوم رمضان پهلوان دینه مقابل ترهین
و وفاء فراغ ایدوب مدت معینه سی ظرفنده
تسویه دین ایده مدیکی جهتله بالمزایده بدل معلوم
مقابلنده قواله لی رفعت افندی به و مؤخرآ مرقوم
جانبندن عهده لرینه بیع و تقویض اولندی طابو
سنداتی و قیود رسمیه مندرجاتیه مثبت و اراضی

مذکوره ایسه الی دونمدن عبارت اولوب
متوفای مرقومك وفاندن صکره عهده لرینه
انتقال ایدن اراضی ایسه درت دونمدن عبارت
و بشقه بشقه موقعلر ایله محدود بولندی حاله
اراضی مذکوره بیننده کی اشبو مباينتك اصلا
یش نظر المفسرین حکم اولندی یواسز و مغایر
قانون اولدیغندن بحکله اعلام مذکورك نقضی
استدعاسندن و مدعی علیهك بوکا قارشو نتیجه
جوابلری دخی اعتراضات مسروده نك واهی
وی اساس اولدی بیانیله ردی و موافق اصول
و قانون اولان اعلامك تصدیق طلبندن عبارت
بولمشدر .

ایجابی مذاکره اولندقه تمیزی طلب اولنان
اعلامك نتیجه مفادی غیاباً محکوم اولان
معرضون مرقومون طرفلرندن اولبابده کی
اعلام غیابی علیهنده اعطا قلنان اعتراض علی الحکم
استدعاسنك بوجه محرر یوم معینه اجابت
اولتماسندن طولانی ردینه حکمدن عبارت
اولسنه نظراً حکم مذکور اسباب موجبیه مستند
اوله رق موافق اصول و قانون اولدیغه و مستند
عیرلک بالاده محرر اعتراض لریه اعتراضات
سائرلری نقض حکمی موجب اسباب قانونیه دن

کوریه مدیکنه بناءً اعتراضات مذکوره نك ردیه
اصول محاکمه حقوقیه قانوننك ایکوز اوتوز
برنجی ماده سی موجبجه اعلام مذکورك
تصدیقه وزیرده مفرداتی مرقم درتیوز یکریمی
طقوز بچق غروش مصارف تمیزیه نك ایلروده
مستدعیرله عائد اولق اوزره اول امرده مدعی
علیهمدن السنه ۱۳ تشرین ثانی سنه ۳۱۱
تاریخنده اکثریتله قرار ویریه رک تفهیم
قلندی .

اعلام مذکورك خلاصه مالی یوزباشی
متوفی اسماعیل اغارلک مومی الیه محمد امین افندی
افندی کفالتیه عثمانچق زراعت بانکه سی شعبه سنه
دور اولنان برقطعه سند موجبجه عثمانچق منافع
عمومیه صندیغندن مع قاضی استقراض ایلمش
اولدی تبیین ایدن بشبورالتش غروشک مداینت
قرار نامه سنه توفیقاً یوزده اوتوزی تنزیل ایدیلرک
متبای درتیوز اوتوز غروشک محیدیه اونطقوز
غروش حسابیه سند مذکور ایله ثابت اولان
کفالتیه بناءً مزبور محمد امین افندی تحویلده
و ذکر اولنان سندده قاضی مقاوله ایدلمدی
جهتله ایام ماره گذشته سنك تحت حکمه النسی
حقنده مذکور بانک وکیلنك ادعاسنك ردینه
حکمدن و مستدعی تمیز زراعت بانکه سی وکیلنك
اشبو اعلام علیهنده باشلوجه اعتراضاتی منافع

مابعدی وار

عثمانچق بدایت محکمه سندن ۶ تشرین ثانی
سنه ۳۰۷ تاریخی و اون درت عددی ایله اعطا
قلنان اعلامك تمیزینی زراعت بانکه سنك عثمانچق
شعبه سی دعاوی وکیل مصطفی افندی طرفندن
باعر ضحال استدعا قلنمش و یوم معینه مذکور
بانقه طرفندن اوخانس افندی وکالة دائره به کلش
ایسه ده مدعی علیه قضاء مذکورده مقیم منکر
زاده محمد امین افندی کلدی کی لایحه جوابیه
دخی کوندر مدیکندن وکیل مومی الیهك ایضاحات

اعلان

ازمید سنجافنه تابع اغوه ناحیه سنک دیک
بوجاقلی قریه سی اهالیسندن صالح قبودانک نقود
واشیاسنی اخذ وغصب وبوصرمده اوم اوغلی
ملا ابراهیمی قتل ایتدیکی ادعا قلنمسنندنطولایی
مظنون علیه اولوب حال فرارده بولنان ودرسعادت
هیئت اتهامیه سندن بالاتهام حقنده اخذ وکرفت
مذ کرمسی ویرلش اولان اورتی بویلی صاری
کوزلی کوسه وبیاض رنکلی سوری چکه وسیاه
قاش وصابلی تخمیناً اوتوز یاشلرنده چوروح صو
مهاجر لرندن لاز سلیمان الان اله کچوریلیمامش
اولدیغندن اصول محاکات جزائییه قانوننک
اوجیوز یتیش برنجی ماده سننه توفیقاً قانونه
اطاعتله محکمه یه کلک اوزره تاریخ اعلاندن
اعتباراً فراری مرقومه جانب ریاستدن اون
کون مهل ویرلش اولغله مدت مذ کوره ظرفنده
محکمه یه کلدیکی حالدیه قانونه اطاعت ایتماش
نظریله باقیله رق محاکمه سی غیاباً بالاجرا حقوق
مدنیه دن اسقاط واموالی جز ایدیله جکی وبو
اثناده مرقومک اقامه دعوا یه حق اوله میه جکی
کبی مرقومک بولندینی محلی بیلنلرک خبر ویرمه

وبالجمله ضابطه عدلیه مأمور لرینک مرقومی
دردست ایتمه مجبور بولندقلری بیانیله اعلان
کیفیت اولتور .

فی ۵ کانون ثانی سنه ۳۱۲

ازمیدک درینجه استاسیونی جوارنده قصاب
حسن بکک اغیلی قریبده کی دره کنارنده مذکور
درینجه استاسیونی عمله سندن قره یقه لی حسن
نام شخصی قتل واتلاف ایلمسندن دولایی
مظنون علیه اولوب درسعادت هیئت اتهامیه سندن
جنایتله بالاتهام حقنده اخذ وکرفت مذ کرمسی
ویرلش اولان اوزون بویلی اینجه یایی عاداتا
النلی سیاه صاج و قاش وکوزلی عاداتا اغن
وبرونلی تخمیناً یکرمی یاشلرنده قره یقه لی
مصطفی الان اله کچوریلیمامسندن ناشی اصول
محاکات جزائییه قانوننک اوجیوز یتیش برنجی
ماده سی موجبجه قانونه اطاعتله محکمه یه کلکی
ایچون طرف ریاستدن مجدداً اون کون مهل
ویرلش اولدیغندن مدت مذ کوره ظرفنده
اثبات وجود ایتدیکی حالدیه محاکمه سی غیاباً

بالاجرا حقوق مدنیه دن اسقاط واموالی جز
ایدیله جکی وبو باده مرقومک برکونا دعوی
اقامه سنه حق وصلاحیتی اوله میه جکی کبی مرقومک
بولندینی محلی بیلنلرک خبر ویرمه وبالجمله ضابطه
عدلیه مأمور لرینک مرقومی دردست ایتمه مجبور
بولندقلری اعلان اولتور .

فی ۶ کانون ثانی سنه ۳۱۲

یونان دولتی تبعه سندن غلطه ده فرمه جیلر
جاده سنده ۹۰ نومرولی مسکرات فابریقه سنده
مقیم طودوری خوبخو یولونک مقدا کره سونده
والیوم جهتی معلوم اولیان روسیه عما لکنه عزیمت
ایتدیکی کره سون بدایت محکمه سی ریاستندن
مورود تحریرات جوابیه مآلندن اکلاشیلان
تجاردن وتبعه دولت علیه دن واسیل قاقولیدی
علیه نه درسعادت محکمه تجارتی برنجی مجلسندن
استحصال ایلدیکی ۷ تشرین اول سنه ۳۱۲ تاریخلی
۱۳۶۰ نومرولی وواتوز درت لیرا وواتوزسکز
یحق غروشک گذشته ومصارف محاکمه ایله برابر

تخصیصی حکمنی حاوی اعلام غیابینک برقطعه
صورت مصدقه سنک مرقوم واسیل قاقولیدینک
برمنوال محرر اقامتکاهی مجهول بولندینی جهته
اعلاناً تبلیغات اجراسی یونانی مرقوم طرفندن
باعرضحال طلب اولتمش اولغله اولوجهله صورت
مذ کوره نک اصول محاکمه تجارت نظامنامه سنک
یکرمنجی ماده سنک دردنجی فقره سی احکامنه قیاساً
تبلیغ اولتمش عداولتمق اوزره محکمه نک دیوانخانه سنه
تعلیق اولندینی کبی اوراق حوادث واسطه سیله
دخی اعلان اولتور .

فی ۱۶ شعبان سنه ۳۱۴

وفی ۷ کانون ثانی سنه ۳۱۲

بیک درنیوز یکرمی اوچ نومرولو برقطعه
شرکت خیره سندی ترهین ایدرک مقابلنده
تجارندن پاپا یورکینک پدرلری حافظ عمر
افندیدن استقراض ایلدیکی درنیوز عدد عثمانلی
لیراسنی قبل الاخذ والاستیفا پدرلری وفات
ایتیش ومتوفای مومی الیهک وراتی کندولرینه
بولتمش اولدیغندن مرقوم پاپا یورکینک

اوله رق عند الغیاب رؤیت دعوی اوله جنی
اعلان اولنور .

فی ۲۵ شعبان سنه ۳۱۴

وفی ۱۸ کانون ثانی سنه ۳۱۲

یورکی قاله نك $\frac{۳۳}{۲۱}$ نومروسيله مقید اعلام
موجبجه دسینو قادین ذمتنده محکوم به اله جنی
اولان معلوم المقدار مبالغتک تأمین استیفاسی
ضمننده بك اوغلنده حسین انا محله سنده چیلای
سوقاغنده متصرفه اولدینی اوتوز نومرولی
برباب خانسی بك اوغلی بدایت محکمه سی ریاست
اولیسی جانبندن اعطا بیوریلان قراره توفیقاً
نحت حجزه النحر اولغله تاریخ اعلانندن اعتباراً
اون بش کون صکره بالمزایده فروخت اوله جنی
بك اوغلی بدایت محکمه سی اجرا مأموریتی
جانبندن اعلان اولنور .

فی ۱۵ کانون ثانی سنه ۳۱۲

(مطبعة عامره ده طبع اولمشدر)

اقامتگاهی غیر معلوم بولنش اولدیغندن بختله
مرقومك جلیله بالمحا که مذکور شرکت خیریه
سندینک فروختیله امانندن وشمیدی به قدر ترام
ایدن تمتعندن مذکور درتیوز عدد عثمانلی
لیراسنک زانبه زاده لرله میانلرنده منعقد صلحنامه
موجبجه مناصفة بیلنلرنده تقسیم ایدلک اوزره
مع فائض و مصارف محاکمه استیفاسی خصوصنک
تحت حکمه آلتی متوفای مومی الیهک کیره
قزلی زهرا و شریفه خانم طرفندن مشترکاً
درسمادت بدایت محکمه سی ایکنجی حقوق
دائرة سنه اعطا اولنان عرفخالده استدعا اولنش
مرقوم پایا یورکینک معلوم بر اقامتگاهی و محل
سکناسی بولنماسندن طولای مدعیلرک طلیله
اولبایده تنظیم اولنان دعوتیه ورقه سی اصول
محاکمه حقوقیه قانوننک بکرمی التبعی ماده سی
موجبجه محکمه دیوان خانسه سنه تعلیق قلنمش
اولسنه ودعوائی واقعه نك سنه حاضره شباطنک
التبعی کونی ساعت الی راده لرنده رؤی مقرر
بولنسنه بناءً مرقوم پایا یورکینک یوم ووقت
مزبورده بالذات دائرة مذکوریه کلمی ویاخود
بروکیل کوندرمسی وعکی حالنده قانون
مذکورک یوز قرق بشنجی ماده سی حکمنه
توفیقاً مدعیلرک طلیله بر وکیل مسخر تعیین

